



12. august 2010

UKA 2010/60

Inatsisartut suleriaasianni § 32 naapertorlugu aalajangiiffigisassatut siunnersuut imaattoq matumuu-na saqqummiupparput:

Inersimasunik ilinniartitsisarneq pillugu Namminersornerullutik Oqartussat nalunaarutaat nr. 25, 7. december 2000-imeersumut allannguutissatut siunnersuut, taamaalilluni nalunaarut malillugu §2 imm.1-imi piumasagaataasup ilinnialerniarluni qinnuteqartussap 30-inik ukioqalereersimanissaata ukiunut 26-inut appartinneqarnissaanik naalakkersuisut sulissuteqaq-qullugit peqquneqarnissaannik inatsisartut aalajangiiffigisassaattut siunnersuut.
(ATASSUT-ip Inatsisartunut ilaasortaataitai: Siverth K. Heilmann, Knud Kristiansen)

Tunngavilersuut:

Nunatsinni najungaartut amerlanerpaat ilinniagaqarsimanissaat anguniarneqarpoq, inuussutissarsiutinullu ilinniarniarluni ukiut 30-init ukiunut 26-inut appartinneqarneratigit Atassut-miit isumaqarpugut tamanna nunatsinni ilinniarusuttut amerlanerulernerannik kinguneqassasoq.

Inuusuttorpassuit 30-it inorlugit ukiullit ilinniagaqarniaraluarlutik amerlasuutigut aporfigisarpaat ilinniagaq nalinginnaasumik aallartissagunikkut ilinniarnermik nalaani aningaasarsiat nalinginnaasut ulluinnarni inuuniarnermi nammassinnaaneq ajormassuk, ilaatigit tassani peqqutaallutik meeraqalereersimaneq namminerlu inigisaqalereersimaneq. Massakkullu ilinniartunut inigitinneqartartut anertuumik amigaataanerisigut Atassut-miit isumaqarpugut nammineerlutik angerlarsimaffeqareersut tassuuna aamma ilinniagaqarnissaamut periarfissineqassasut, ulluinnarni inuuniarnerannut artukkiinngitsumik.

Nunatsinni sanaartugassat annertuumik nunani allani suliffeqarfissuarnit sanaartorneqarput, naak nunatsinni annertuumik suliffissaaleqisoqaraluartoq. Nunatsinni ilinniarnissamut periarfissanik pitsanngortitsinikkut nunaqavissut amerlanerusut sanaartorerup iluani sulisorineqalissapput.

Taamatut tunngavilersuuteqarluta siunnersuut Inatsisartut suliassanngortipparput.